

36-3-E-15 4

37 3

CAESARIS

MISERATIONE DIVINA

IN S.^{ti} PETRI in Monte Aureo

S. R. E. Tresb. Cardinalis

GHERARDI

CAMERINI EPISCOPI

EPISTOLA

PASTORALIS.



35-3-E-15

CHERARDI

CHERARDI

CHERARDI

CHERARDI

CHERARDI

CHERARDI

CHERARDI

CHERARDI

S. R. E. Presb. CARD. Camerini EPISCOPVS

Dilecto Clero, & Populo per universam suam Diocesim
Sal. in Domino sempiternam.

IN DOMINICO Agro, cujus operarij sumus, oportet nos prudenter, atq; vigilantem spiritalem exercere culturam, ut perseveranti industriâ qua legitimis temporibus sunt exsequenda curantes, de Sanctorum operum fruge letemur. quod sanctus Pontifex Leo dicebat, cujus verbis ego quoq; vos compellabo, Fratres, & Filij dilectissimi. In hoc equidem veni ad vos, qui *DEI agriculturae estis*. Spero autem in Domino, quod & missus venerim, sicut & vos cum gaudio, & benedictione multa me excepistis. Veni ad vos: vos autem ne, Domino revocante, statim a vobis abirem, quàm de me solliciti fuistis? Curatorem animarum vestrarum vos retinuitis, quando per hæc Templâ effusi, anxie, & sine intermissione orantes, ad Deum, & Patrem misericordiarum preces intendistis. Ita nati, & instituti estis qui pietatem & Christianam Religionem ab antiquissimis temporibus inter vos regnare voluistis, adeoque Civium vestrorum sanguine, tanquam sacrâ purpurâ perfusam, Martyrio coronastis. Veni ad vos, cupiens ut difficili hoc tempore, quo alicubi videtur sævire cælum, ubiq; premittit annona, consolatorem haberetis, si non adiutorem habuistis. Sed scitis, dilectissimi, quod agricola primo quoq; tempore stimulum comparat, vomerem instruit, jugum procurat, & hujus generis adornat alia, quibus inclementer terram proscindat, pravaq; germina radicitus evellat, instrumenta quoque durissima. Hoc enim Dominus edixit: *Novate, inquit, vobis novale, & nolite ferere super spinas.* quin etiam, sicuti lascivientem castigat agrum, ita sæpe sterilem incendit. & alius quidem forte mirabitur dum cernet collecta dissipantē, & ne facile colligi possint, semina cum cura terræ commiscentem, mox coruscationes, & imbres, quibus corrumpantur, expetentem. At agricola nō ad coruscationes respicit, sed manipulos meditarum

1. ad Cor. 31

M. C. 11

Psal. 123.

Eccl. 23.

2, 8:

Nazianzen.
Apolog. 1.

Apud Suidam.

Serm. de van.
& brev. vitam.

et Philip. 3.

non marcescentia semina, sed vernantes spicas: non iacturam, sed ventilabrum: non gravem imbrem, sed jucundam aream. nam *qui seminant in lacrymis, in exultatione metent*. Et nunc quidem tempus nos admonet, ut culturam hanc nostram auspicientes, Ecclesiæ nostræ agrum inspiciamus, & visitemus. Insonat enim auribus nostris vox illa: *Vos dispersistis gregem meum, & eiecistis eos, & non visitastis eos*. Expedire igitur oportet stimulum admonitionis, vomerem castigationis, jugum obedientiæ, evellenda prava germina vitiorum, spiritus ignis in segnem terram cum Domino mittendus, spargendum semen, quod est verbum Dei, excitandæ coruscationes ruboris, ciendi sunt imbres lacrymarum cum tonitruis increpationum. Scriptum est enim: *Clama, ne cesses: quasi suba exalta vocem tuam, & annuntia populo meo scelera eorum*. quandoquidem, ut Gregorius admonuit, alios monet oratio, alij Antistitis exemplo componuntur, alij calcaribus opus habent, alij frano. Durum sane ministerium, quis neget? quod paternum animum velans, severi Cenloris personâ nobis induit: quod confusionis luto obvoluta semina per indignationem, & doloris vim, per ægritudinem animi opus corrumpere quis credat: quod humanis artibus dirigi non potest. Nam, quæ vetus, & vera antiqui Theologi sententia est, *Civilem virtutem Episcopali muneri jungere velle, ea connectere est, quæ inter se maxime naturâ dissident, & connecti nequeunt*. Durum igitur, sed admirabile ministerium. ut enim ait Chrysostomus, qui Cælum, & terram creavit, qui hominem condidit, tanquam Pictor, & pius Genitor, non satis esse duxit quod libuisset effingere, nisi & filium ad eandem effigiandi peritiam perduxisset. ideoq; sic homini loquitur. *Creare tu quidem hominem non potes: justum tamen efficere potes. Substantiam ipse creavi: tu illius conscientiam expoli. Incendi ego in Cælo lumina: proclive est tibi clariores accendere faces, quibus lucem prabeas errantibus. Creavi ego corpus decorum: concedo tibi meliora faciendi arbitrium, facito & tu animam formosorem. Creavi ego Cælum, & terram: tu facito e Cælum. nam & si corpus hoc humilitatis nostræ luteum est, potest, si libet, cæleste fieri, reformatum nempe, & confi-*

guratum corpori claritas Christi: quando nos omnes revelata facie gloriam Domini speculantes, in eandem imaginem transformamur a claritate in claritatem. Omnia autem ex Deo, qui nos reconciliavit sibi per Christum, & dedit nobis ministerium reconciliationis. Pro Christo ergo legatione fungimur, sicut quum Deo exhortante per nos. Pro vita, quam diligitis, legatione fungimur, dicebat S. Evcherius: & hanc, quam omnes exignam amatis, insinuamus ut amatis aternam. Videte Fratres, videte Filii, quale sit ministerium nostrum. Sane optarem ego quoque cum Ap.^{lo} Anathema esse a Christo pro Fratribus meis, qui sunt Sacerdotes. Vos enim, Fratres, in primis nunc alloquor, cum quibus habeo & commune ministerium: Vos, qui Vigiles, & Speculatores constituti estis in Domo Dei: Vos Genus electum, Regale Sacerdotium, ut virtutes annuntietis ejus, qui de tenebris vos vocavit in admirabile lumen suum: Quorum conversatio in celis est; ideoque in sublimi positos, & in edito stantes plurimus horror circumstitit. nam si ab excelsa illa altitudine aciem ad ima flectentes, terram humilem respectetis, statim caligo oculis obversabitur, ita ut precipites agamini. Nolite credere, nolite esse securi, licet in modum stagni fufum aquor arrideat, licet vix summa jacentis elementi spiritu terga crispentur. magnos hic campus montes habet. intus est periculum, intus est hostis. expedites rudentes, vela suspendite. Crux antenna figatur in frontibus. Tranquillitas illa tempestas est, clamat vir sanctus. nolite dicere, Pax, si non est pax. nolite linere parietem luto sine temperatura, dissimulantes populorum peccata, ne veniat procella, & indignatio. Arastu, inquit Dominus, impietatem, iniquitatem messuistis, comedisistis frugem mendacij. nolite vestris moribus aliena vitia tueri. hoc enim piam animam olim cruciabat. Eousque inquit, enervatus est Ecclesiastica disciplina vigor, ut jam non vitij excusatio, sed auctoritas detur. Vtinam fieri posset, me pro vobis certantem bene gerere, vos autem bene gestae rei premia ferre! nunquam profecto vobis tantumurbationis ingererem. nunc autem piaculum fuerit, non modo si vestrum quilibet malum aliquod facinus patnaverit, sed etiam, si male feriatu, bona omiserit. nam quantum ad nos pertinet

2. ad Cor. 3.

2. ad Cor. 1.

ad Rom. 9.

1. Petr. 2.

ad Philip. 3.

Hier. ad Heliodor.

Ezech. 13.

Os. 10.

Cyprian. de Spectac.

pertinet, ut ille ait, *Hoc ipsum non fecisse bonum, nihil aliud est, quam fecisse malum.* Sic servi nostri, sic agricolæ, licet alioqui modesti, sobrii, non contumaces, non refractarii, si se- gnes, & inertes manus compressas tenentes domi sedeant, vapulabunt, & pœnas dabunt. eâdemq; ratione in corpore nostro, si manus capite absteineat, non linguam excindat, non oculos evellat, otiosa tamen degat, satius fuerit eam ab- scindere, quam inertem, & corpori inutilem circumferre. Quod si nemo inter vos implicat se negotiis sæcularibus, si non est inter vos vinolentus, non litigiosus, non cupidus, non æruscator, quid dicam? laudo vos. sed adhuc amplius requi- ram, ut munus vestrum bona faciendo impleatis. nam *in Ec- clesia volo quinque verba sensu meo loqui, ut & alios instrui,* quod annuncianda sint credenda, agenda, vitanda, timenda, speranda. profecto *labia Sacerdotis requirent scientiam, & le- gem requirent* subditi *ex ore eius, quia Angelus Domini exer- cituum est.* Itaq; cum venero ad vos, scio me probaturum in vobis quod scriptum est: *Iustus prior est accusator sui.* De mi- nisterio autem, quod sit inter Sanctos, non ex abundanti est mihi scribere vobis. Scio enim nimis promptum animus vestrum, nec vereor cum Apostolo, *ut benedictio paretur sic tanquam benedictio, non tanquam avaritia.* Necessarium er- go existimaui rogare Fratres, ut perveniant ad vos, & præpa- rent repromissam benedictionem hanc paratam esse sicut de- cet Sanctos, *nemini dantes ullam offensionem, ut non visupe- retur ministerium nostrum.* Itaq; Fratres mei charissimi, & desideratissimi, si qua consolatio in Christo, si quod solatium charitatis, si qua viscera misericordiæ, implete gaudium me- um, ut necessaria tantum præstetis. nihil per contentionem, aut æmulationem, neq; per inanem gloriam, sed in humilitate, & charitate, ne cuiquam vestrum graves simus, & sic nos existimet homo ut ministros Christi, & dispensatores mysteria- rum Dei. Vobis autem, Filioli mei, quos ego parturio donec formetur Christus in vobis, testimonium perhibeo cum Aposto- lo, quia sicut Angelum Dei me excepistis. Obedite Præpositis vestris, & subiacete eis. Ipsi enim pervigilant, quasi rationem pro animabus vestris reddituri: ut cum gaudio hoc faciant, &

1. ad Cor. 14.

Malach. 2.

Prov. 18.

2. ad Cor. 9.

2. ad Cor. 6.

1. ad Cor. 4.

ad Gal. 4.

ad Hebr. 13.

non gementes. hoc enim non expedit vobis? Audio autem querellas, & scissuras, & contentiones, quas, cum venero, extinctas cupio. nonne scitis, quod unum corpus, & unus spiritus, ut multitudinis credentium erat cor unum, & anima una? nam attraxit nos Deus in vinculis charitatis, Quibus qui alligantur, gaudens catenis suis. Define igitur iudicia cum Sacerdotibus, in tribulatione patientes, orationi instantes, necessitatibus Sanctorum communicantes. An nescitis, quoniam Sancti de hoc mundo iudicabunt? nescitis, quoniam Angelos iudicabunt? Præcidite igitur iudicia, & contentiones, vel secularia iudicia si habueritis, contemptibiles, qui sunt in Ecclesia, illos constituere ad iudicandum. malletem autem, ut unusquisq; prout destinavit in corde suo, non ex tristitia, aut ex necessitate. hilarem enim datorem diligit Deus. De cetero, dilectissimi, deponentes omnem malitiam, Gustate, & videte, quoniam suavis est Dominus, & Dives in misericordia. nam ut acciperemus dilectionem, quâ diligeremus, dilecti sumus cum eam nondum haberemus. Obsecro autem primum omnium per universam Ecclesiam, fieri obsecrationes, orationes, postulationes, gratiarum actiones pro omnibus, præcipue vero pro ss.^{mo} Romano Pontifice, & omnibus, qui in sublimitate sunt, ut quietam, & tranquillam vitam agamus in omni pietate, & castitate. Volo ergo vos orare in omni loco, levantes parvas manus sine ira, & disceptatione, Vt annuntiem in vobis testimonium Christi non in persuasibilibus humana sapientia verbis, sed in ostensione spiritus, & virtutis: ut noster ordo nō modo perficiens, & perfectionis auctor probetur, sed, sicuti Dionysius ait, illuminare quoq; & purgare noscatur. Nos enim tenuitatem nostram agnoscimus. Vos autem scitis, Fratres, & Filii dilectissimi, quod ipse Princeps Apostolorum ad visionem illam exhorruit, cum vidit cælum apertum, & vas descendens de cælo in terram, in quo erant omnia quadrupedia, & serpentina terræ, & volatilia cæli, quæ iussus est occidere, & manducare, quod est populorum extinguere vitia, & Gêtes, quod nos eramus, mysticō Ecclesiæ corpori, cuius ipse caput erat, inferere, & unire. Scitis, quod dictum est ad Aaron, & filios ejus, ut portarent iniquitatem multitudinis, & sustinerent

ad Eph. 4.

Act. 4.

Of. 11.

Cassian. de Incar. li 4. c. 1.

ad Rom. 12.

1. ad Cor. 6.

2. ad Cor. 9.

1. Petr. 2.
Pl. 33.

Augusti. de Gr. contra Felag.

ad Ephes. 2.

1 ad Tim. 2.

1. ad Cor. 1.

de Eccl. Hier c. 4.

Act. 10.

Num. 18.

Levit. 10.

In Exhortat.
ad Gentis.

Nicephor.
lib. 1. c. 5.

2. ad Cor. 5.

1. ad Cor. 8.

Chrys. serm.
de virt. & vit.

Lactant. lib.
5. de iust. c. 7.

2. ad Cor. 16.
& 15.

1. Petr. 2.
ad Philem. 1.

peccata Sacerdotij. Scitis, quod Nadab, & Abiu ignis a Deo egressus devoravit, cum alienum, non caelestem ignem obtulissent. Quale igitur, quantumq; munus ete creditis, quod ad serpentes dilaniandos, & comedendos nos vocat, quod onus immentum iniquitatum universæ multitudinis humeris nostris imponit, quod ignem divinum, & de cælo descendentem exigit, nec sine interitu nostro terrenum, qui humanis pectoribus hæret, admittit? Sunt autem volucres inter homines, Clemens ait, qui ex ipsis sunt leves: serpentes, qui deceptores: leones, qui animosi, & ad iram concitati: fues, voluptati dediti: lupi, qui rapaces. Sic exigit a fera homo quod ipse non præstas: mansuetudinem, patientiam, obedientiam, timorem, laborem. ita his naturam violas, dum mitem facis feram, humanitatem vero feritate corrumpis. Et quamquam nos Andromachen ex serpentibus conficere, fistulâq; Pastoralis (quod de Stephano Germanicensi dixere veteres) lupos in oves converterere parati simus, pulchrior tamen spes illa fovet, ut innocentia vestra nulla venena desideret. *Charitas Christi urget nos*, ut omnes ad unum sanctos, impollutos, incontaminatos, mites, misericordes reperire cupiamus. *nam si quid patitur unum membrum, compatiuntur omnia membra: siue gloriatur unum membrum, congaudent omnia membra.* nec sanum est corpus, in quo vel unica, quamvis exigua pars, corrupta sit. reliquas mox illa corrumpet. *qua videntur membra corporis infirmiora esse, necessaria sunt.* ne unguem quidem sine totius corporis dolore contorleris. Itaq; cum apud Corinthios unus modo improbus inventus esset, ingemuit Paullus, quasi universa Civitas illa funditus perisset. Quod si virtus aut cerni non potest, nisi habeat vicia contraria, aut non est perfecta, nisi exerceatur adversis, incidimus in tempora, quibus alibi nobis *offitium apertum est magnum, & evidens, & adversarij multi.* Vos autem *stabiles esstote, & immobiles, charissimi, Gens sancta, populus acquisitionis* Reficite viscera mea in Domino, sicut & ego confidens in obedientia vestra scripsi. Gratia, & Charitas, & Pax Domini nostri Iesu Christi cum spiritu vestro.